



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LESIBILI (P2)

2019

TICONDZISO TEKUMAKA

EMAMAKI: 80

Leticondziso tekumaka tinemakhasi la-27.

TICONDZISO TEKUMAKA

1. Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela. (**Umhlolwa akumelanga aphendvule indzabambhalo kanye nemibuto lemifisha encwadzini yinye.**)
2. Esigabeni A, nangabe umhlolwa aphendvule ngato tonkhe totine tinkondlo (Tinkondlo letifundvwe eklasini), maka letimbili tekucala kuphela.
3. Esigabeni B na C (Lulwimi Lwasekhaya), nangabe umhlolwa aphendvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyekele lelandzelako. Nangabe umhlolwa aphendvule yomine imibuto, maka kuphela imphendvulo yembuto wekucala kuleso naleso SIGABA, ngaphandle kwekutsi uphendvule munye umbuto lonemibuto lemifisha namunye umbuto wenzabambhalo.
4. Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
5. Nangabe tinombolo tetimphendvulo tinemaphutsa, maka ulandzele ticondziso tekumaka.
6. Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, akunikwe limaki.
7. Umbuto wenzabambhalo: Nangabe indzabambhalo inemagama langaphasi kwalawo lemisiwe, umhlolwa akangajeziswa ngobe vele sewutijezise yena ngekwakhe. Nangabe indzabambhalo iyindze kakhulu, akahlolwe ngekwelikhono lakhe bese kucociswana nalabaphetse umsebenti wekumaka. **Akusetjentiswe irubhriki yekumaka indzabambhalo** lesesichibiyelweni A na B
8. Imibuto lemifisha: Nangabe umhlolwa angakafaki bokhulumile nangabe kufanele acaphune **akangajeziswa**.
9. **Emibutweni levulekile** bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
10. Emibutweni lefuna LICINISO/LIPHUTSA nobe LIPHUZU/UMBONO emamaki akangehlukani emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

SIGABA A: TINKONDLO**TINKONDLO LETIFUNDVWE EKLASINI****UMBUTO 1: UMBUTO LOYINDZATJANAMBHALO****'NGAWE MANTI' – JJ Thwala****INDZATJANAMBHALO**

Sakhiwo sangekhatsi lesivetwe yindzima ye-1, 2, 4, neye-7 kulenkondlo.

Sakhiwo sendzatjanambhalo kumele sivete **singeniso, umtimba nesiphetfo.**

SINGENISO:

Bahlolwa bachaza sihloko babuye bavete nekutsi inkondlo iyaba nesakhiwo sangekhatsi.

UMTIMBA:

Kuvetwa kabanti ngaloko lokubaliwe enkondlweni lokugcamisa sakhiwo sangekhatsi endzimeni ye-1, 2, 4 neye-7. Sib:

➤ **Kumunfutisa**

Kuvetwa kumunfutisa lokusenzimeni ye-1, emgceni we-1, 2, newe-3, (Uwuncobile umhlaba, ngetikhali takho, Wakhobosa wakhotsama kuwe,) lapho sonkondlo entisa umhlaba loko lokwentiwa bantfu. Loku kuyahambisana nemphilo yalomuhla ngobe sive lesinyenti singene etjwaleni, sonkondlo lakubona kukuncotjwa ngetikhali tetjwala, sehle/sibukeleke phasi nekutsi sikhonte tjwala, njll.

➤ **Sifanisongco:**

Kuvetwa sifanisongco lesisetjentiswe endzimeni ye-2, emgceni we-6, 'ungumcatululi,' lapho sonkondlo abita tjwala ngemcatululi lokusho kucedza tinkinga. Loku kuyahambisana nemphilo yalomuhla ngobe bantfu labanatsa tjwala bacabanga kutsi bacedza tinkinga ngekuhlala badzakiwe bangaboni lokwentekako, njll.

➤ **Umbiti**

Kuvetwa sinongo lesingumbiti lesisenzimeni ye-4, emgceni we-13, lapho sonkondlo akhuluma netjwala sengatsi buyaphila, butamuva, bumphendvule. Loku kuyahambisana nemphilo yalomuhla ngobe kuveta indlela sonkondlo ladzineke ngayo ngebubi lobentiwa tjwala aze abute kutsi bubuyaphi sebubunyenti kangaka, njll.

➤ **Sifaniso**

Kuvetwa sinongo sesifaniso lesisenzimeni ye-6, emigceni we-22 newe-23, lapho sonkondlo afanisa emandla etjwala lobuchamuke ngawo sonkondlo lawafanisa newemagagasi kanye newelibhudlo ngobe afika akhukhule nobe abhubhise lokukhona, njengabo tjwala lobutsi bungangena nabo bucofule, njll.

(Nalokunye lokubalwe kulenkondlo lokungakabalwa lapha ngenhla kwemukelekile.)

SIPHETFO:

Bahlolwa basonga konkhe labebakhuluma ngako lapha ngenhla, lapho baphawula khona ngesakhiwo sangekhatsi kulenkondlo.

BONA EMARUBHRIKI EKUMAKWA KWENDZATJANAMBHALO YETINKONDLO SICHIBIYELO A**[10]**

UMBUTO 2: IMIBUTO LEMIFISHA**'LOMCULO NGIYAWUTSANDZA' – ME Masina**

- 2.1 Luchumano lolutjekile/ **Loluvundlile.** (1)
- 2.2 Sifanangwaca sa 'L-/Sifanamsindvo sabongwaca. (1)
- 2.3 Emadvodz' adl' **inyam'** ayehlise **ngemhluti.** (1)
- 2.4 Ngulosekunesikhatsi lesidze kwafa, kwabola yonkhe inyama, kwasala ematsambo/ **Intfo leyafa kadzeni, sekusele ematsambo nje kuphela,** njll. (Naleminye imibono lenembako yemukelekile.) (1)
- 2.5 Sonkondlo usho kutsi ingcondvo yakhe imkhumbuta bantfu netindzawo tasetikhatsini letimnandzi lesetedlula/ **Imicabango lemhambisa tindzawo langatati, iphindze imyise lapho angati khona.** (Naleminye imibono lenembako yemukelekile.) (2)
- 2.6 Imibono itaweuhluka, ifake ekhatsi lena lelandzelako: Labavumako batawesekela ngekutsi, Vele lamachawe ngeke afe kuma-Afrika ngobe umculo wawo utawuhlala njalo ukhunjulwa ubuye udlalwe futsi, ngaloko lamachawe atawuhlala asetingcondvweni tema-Afrika lokwenta kutsi aphile njalonjalo/ **Angeke afe lamachawe ngobe kukhulunywa ngawo, umculo wawo kanye neligalelo lalowo mculo esiveni,** njll. (Naleminye imibono lenembako yemukelekile.) Labangavumelani batawesekela labakushoko. (2)
- 2.7 Ngumlayeto wekutsi nangabe tetsamelilwati tenta lokuhle eveni nobe emmangweni, titakhela ligama lelihle lelitawukhunjulwa njalo. Loku kushiwo ngobe lenkondlo nayo ikhumbuta tetsamelilwati ngalokuhle lokwentiwe ngulasebalala/Kuhamba emachawe netilomo kusale tibongo, kukhutsata tetsamelilwati kutsi tisebentise emathalente ato, njll. (Naleminye imibono lenembako yemukelekile.) (2)

[10]**UMBUTO 3: IMIBUTO LEMIFISHA****'WENA GCIWANENDZINI!' – TE Sithole**

- 3.1 Lenkondlo ikhuluma ngekufundza kuphila neligciwane/Umuntfu angaphila neligciwane kuphela nalandzela indlela yekulilawula. (1)
- 3.2 Umugca we-5 newe-6/
Utitselile-ke msobho elutswayini
Ngitakukhomba bantfu kutsi banjani! (1)

- 3.3 Sidvonsamoya, kukhomba tetsamelilwati lapho kufanele tiphumule khona. (1)
- 3.4 Imigca yalenkondlo ayilingani endzimeni ngayinye Imigca yalenkondlo inemagama lasukela kula-2 kuya kula-5. Ngako-ke lemigca ayinaso sakhiwo lesihlelekile, njll.
(Naleminye imibono lenembako yemukelekile.) (1)
- 3.5 Imibono itawehluka ifake ekhatsi loku lokulandzelako:
Bantfu labanaleligciwane, batfola tinsita temaphilisi kuhulumende/Emaphilisi amahhala ladzambisa tinhlungu kodvwa labanye babilapha kuwanatsa/
Bantfu banikwa emajazi emkhwenyane mahhala kutsi bativikele nabaya emacasini, kodvwa labanye abawasebentisi/ **Hulumende ubanika imali yesondlo kutsi batsenge kudla lokunemphilo labanye batsi bangabona kutsi sebayaphila, bayekela kudla nekunatsa emaphilisi ngobe besaba kutsi hulumente angabemuka lemali yesondlo, njll.**
(Naleminye imibono lenembako yemukelekile.)
Lonembono wekutsi tindlela hulumente latisebentisako atisiti, utawesekela lakushoko. (2)
- 3.6 Lesifaniso sifanelekile ngobe imbokodvo nayisilisisa etjeni, igaya intfo lengasilula kutsi igayeke. Indlela leligciwane libulala, licotfule ngayo, lifaniswa nendlela imbokodvo lesilisisa ngayo ngobe nalo lishiya bantfu bafile emakhaya asele odvwa, njengembokodvo lesila kusale kuyimphuphu.
(Naleminye imibono lenembako yemukelekile.)
Labatsi asifakaneleki, batawesekela labakushoko. (2)
- 3.7 Imibono itawehluka ifake ekhatsi loku lokulandzelako:
Labatsi bayavumelana, batawesekela ngekutsi leligciwane alibonakali, futsi nobe lingena umuntfu alivakali. Umuntfu kufanele aze ayewenta luhlolo lwengati ngiko atewubona nangabe analo nobe angenalo. Loko ngiko lokwenta kutsiwe lilicili lelihamba ngebumnyama njengobe intfo lesebumnyameni ayibonakali.
(Naleminye imibono lenembako yemukelekile.)
Labatsi abavumelani, batawesekela labakushoko. (2)

[10]**UMBUTO 4: IMIBUTO LEMIFISHA****'LUTSANDVO' – SC Msibi**

- 4.1 Kuntjintjantjintja kwalo, lamuhla lube nguloku, kusasa lube ngulokwa/
Lutsandvo lufinyelela enhlityweni yemuntfu lungakabitwa/ Lunyamalala lungabonwa ngumuntfu, njll.
(Naleminye imibono lenembako yemukelekile.) (1)
- 4.2 Luvano/Ematse nelulwimi/Kubutsana phasi, njll.
(Naleminye imibono lenembako yemukelekile.) (1)
- 4.3 Igceka lutsandvo ngekungetsembeki kwalo netintfo letimbi lolutentako.
(Naleminye imibono lenembako yemukelekile.) (1)

- 4.4 Utiveta bunjalo bakhe, lokukutsi lutsandvo luvele lutibonakalele nangabe lukhona lubuye lubonakale nangabe seluphelile, kantsi netintfo lolutifunako luyativeta.
(Naleminye imibono lenembako yemukelekile.) (1)
- 4.5 Lutsandvo alubonakali, umuntfu ubonakala ngetento nangabe asafikelwe ngilo kantsi nangalesikhatsi seluphelile alusho, nakhona alubiki, kuvele kubonakale ngetento.
(Naleminye imibono lenembako yemukelekile.) (2)
- 4.6 Imibono itawehluka ifake ekhatsi loku lokulandzelako:
Labavumako, batawesekela ngekutsi: Lutsandvo lwangempela alubhicwa nalutfo futsi alutsengwa ngemali, umuntfu angaba nabo bonkhe bukhatikhathi bemhlaba, kodvwa lutsandvo angabi nalo.
(Naleminye imibono lenembako yemukelekile.)
Labangavumi, batawesekela labakushoko. (2)
- 4.7 Lutsandvo alubonwa nalo aluboni/Lubonakala ngetento Lutifunela kwalo/ Alutentisi/Alulawulwa lutentela kwalo ngesikhatsi salo, njll.
(Naleminye imibono lenembako yemukelekile.) (2)
- [10]**

NA**INKONDLO LENGAKAFUNDVWA EKLASINI****UMBUTO 5: IMIBUTO LEMIFISHA****'NGINGABUYE NGITSINI?' - SW Mnisi**

- 5.1 Sicatsaniso. (1)
- 5.2 Ngulesheshe iphele/Ngulengahlali sikhatsi lesidze. (1)
- 5.3 Usho kutsi abesakhulumile imfihlo yakhe/lokusenhltiyweni yakhe. (1)
- 5.4 Wentiwe kufuna kugcizelela indlela laphela ngayo emandla ngalokwentekile, kuphela kwelutsandvo. (1)
- 5.5 Simo selusizi ngobe kufa kufike kwamehluhanisa nemuntfu lamtsandzako.
(Naleminye imibono lenembako yemukelekile.) (2)
- 5.6 Litiko Letenhlalakahle. Lingasita ngekutsi limeluleke kute asemukele lesimo/
Lingasita ngekutsi limeluleke akwati kuphila nalesimo, njll.
(Naleminye imibono lenembako yemukelekile.) (2)
- 5.7 Imibono itawehluka ifake ekhatsi loku lokulandzelako:
Labatsi sifanele, batawesekela ngekutsi: Emanti angacitsekela esihlabatsini ayanyamalala, kome lapho acitsekele khona, angaphindzi abonwe, kanjalo nemuntfu loшонile akaphindzi abuye kumbe abonwe.
(Naleminye imibono lenembako yemukelekile.)
Labatsi asikafaneli, batawesekela labakushoko. (2)
- [10]**

SAMBA SESIGABA A: 30

SIGABA B: INOVELI/TEMZABU**UMBUTO 6: UMBUTO LOYINDZABAMBHALO****LIPHUME NEBOVU – BB Malangwane**

Sakhiwo sendzabambhalo kumele sivete **singeniso, umtimba nesiphetho**.

Tigameko letiveta ingcikitsi yalenoveli ebaleni.

Singeniso

Bahlolwa bachaza sihloko babuye bavete ingcikitsi leyimphilo yasesitsenjini kulenoveli.

Umtimba

Bahlolwa baveta kabanti tigameko lebetentiwa balingisi letikhombisa imphilo yasesitsenjini, lekuyingcikitsi yalenoveli.

- Kuteka umfati wesibili kwaLushawulo.
Kutekwa kwaTintfombi njengemfati kube LaMagagula ukhona, kwente LaMagagula atitfole aphila esitsenjini njengobe besekufanele bahlale naTintfombi kaLushawulo.
- Kuloyisa LaMagagula nguTintfombi.
Tintfombi waba nesikhwele sekuhlala naLaMagagula kanye naLushawulo emtini munye, wase uloyisa LaMagagula afuna kusale yena yedvwa LaMagagula acoshiwe.
- Kubulala bantfwana baLaMagagula nguTintfombi.
Waba nesikhwele sekutsi LaMagagula utele bantfwana, watala bakakhe kute naye abonakale angumfati lotimisele kwandzisa umndeni waLushawulo. Wabese ubulala baLaMagagula.
- Kudlisa Lushawulo
Wavukwa sikhwele sekutsi LaMagagula naye uyatsandvwa, wenta kutsi LaMagagula agucuke saliwakati ngekudlisa Lushawulo, wangasanakwa LaMagagula sekunakwa yena nebantfwana bakhe, **Lushawulo wate wangasayi nasemngcwabeni wemntfwanakhe naLaMagagula.**
- Kuloyiswa kwaLaHlophe nguTintfombi.
Tintfombi waba nesikhwele sekubona Lushawulo ondla unina wabona kuncono atjele Lushawulo kutsi labantfwana bacedvwa ngunina khona atewumcosha bese yena usala naLushawulo.

(Naletinye tigameko letingakabalwa lapha lebetentiwa ngulabalingisi lababalwe ngenhla letigcamisa imphilo yasesitsenjini, temukelekile.)

Siphetho

Bahlolwa basonga konkhe loko labebacoca ngako lapha ngenhla, ngekuphawula kutsi tonkhe letigameko lebetentiwa ngulabalingisi tiveta sobala ingcikitsi leyimphilo yasesitsenjini.

CAPHELA: Bahlolwa kumele bacaphune tigameko letisenzabeni letesekela imibono yabo.

BONA EMARUBHRIKI EKUMAKWA KWENDZABAMBHALO, SICHIBIYELO B na C [25]

UMBUTO 7: IMIBUTO LEMIFISHA**LIPHUME NEBOVU – BB Malangwane**

- 7.1 Yancwila emantini/Yadliwa tilwane tasemantini/Yafa, njll. (2)
- 7.2 Wakhombisa ngekutsetsisa ngesankhahlu lomfanyana labelusile kutsi utishiyephi timbuti njengobe lishonile nje/Indlela lakhulumisa ngayo umfana wetimbuti, njll. (2)
- 7.3 Ngulenkelebhe lapho kukhiwa khona emanti kusikhomba kutsi kusemakhaya/Kufuywa kwetinkhomo netimbuti/Lomfana loncwilile kutsiwa abevunule emajobo, njll.
(Naleminye imibono lenembako yemukelekile.) (2)
- 7.4 Buntfu lobukhombisa umoya wekuvana/umoya welutsandvo/umoya welubumbano ngekuya kuTintfombi ayombikela, njll.
(Naleminye imibono lenembako yemukelekile.) (2)
- 7.5 Imibono itawehluka ifake ekhatsi loku lokulandzelako:
Betingakaphephi njengobe ticijile, betitawuhlaba umtimba waZembe/
Betingephuka tibe yingoti kubo ngekutsi tibahlabe/Betingephuka bancwile njengaZembe, njll.
(Naleminye imibono lenembako yemukelekile.)
Labatsi betiphephile batawesekela labakushoko. (2)
- 7.6 Imibono itawehluka ifake ekhatsi loku lokulandzelako:
Labavumako batawesekela ngekutsi: Lommango bewuvana, kwabonakala ngekutsi usukumele etulu ngalesikhatsi bayewumfuna umntfwana waLaMagagula longene enkelebheni.
(Naleminye imibono lenembako yemukelekile.)
Labangavumi batawesekela labakushoko. (2)
- 7.7 Litiko Letemanti Nekutfutfwa Kwendle. Belingabafakela umshini wekumpompa emanti aye etimpompini/Belingabafakela timpompi emakhaya, njll.
(Naleminye imibono lenembako yemukelekile.) (2)
- 7.8 'Kodwa ngoneni Nkulunkulu ngize ngishaywe kangaka.' Bekuyinkholo yebukhrestu. (2)
- 7.9 Bebanelitsemba lekutsi batamtfola Zembe nobe lenkhomo lancwile nayo ngobe abesanemalanga lamabili ancwilile.
(Naleminye imibono lenembako yemukelekile.) (2)
- 7.10 Kutfolakala kwaZembe lowavumbuka nendvodza yemmango lapho wonkhe umuntfu abesalahlekelwe litsemba lekutsi utawutfolakala.
(Naleminye imibono lenembako yemukelekile.) (2)

7.11 Tintfombi abengakadzabuki nakancane, abehlisa tinyembeti tengwenya ngobe loko kwafakazelwa ngumkhaya kutsi nguye labebulala bantfwana baLaMagagula/Abengeke adzabuke ngobe abemtondza LaMagagula. (Naleminye imibono lenembako yemukelekile.) (2)

7.12 Imibono itawehluka ifake ekhatsi loku lokulandzelako:

- Uyatsakatsa – tamshaya emkhayeni ngobe abulele bantfwana bakhe nebaLaMagagula.
- Uyaphinga – watala umntfwana wemlumbi ahlala naLushawulo eJozi.
- Uliphiciphici - abehlekisa uninatala ngatsi uyamtsandza kantsi uyati kutsi utawugcina amcoshise ngaLushawulo ngekutsi uyatsakatsa.
- Akaketsembeki – Wenta ngatsi utsandza LaMagagula kantsi uyamtondza, njll.

(Naleminye imibono lenembako yemukelekile.)

(3)

[25]

UMBUTO 8: UMBUTO LOYINDZABAMBHALO**KUBAMBA LETINGELAKO – DE Nkosi**

Sakhiwo sendzabambhalo kumele sivete **singeniso, umtimba nesiphetfo.**

Tigameko letiveta incikitsi yalenoveli ebaleni.**Singeniso**

Bahlolwa bachaza sihloko babuye bavete incikitsi leyimfundvo kulenoveli.

Umtimba

Bahlolwa baveta kabanti tigameko lebetentiwa balingisi letikhombisa imfundvo lekuyingcikitsi yalenoveli.

- Kundzindza indzawo yekufundza.
Mphikeleli watsi abuya ekudzingisweni wacala kundzindza sikolo labetawuchubekisa khona tifundvo takhe. Wemukelwa esikolweni iKhayaletfu.
- Kufundza ngekuhlanganyela.
Mphikeleli wakha bungani, naMsiti basitana ngetifundvo, Msiti wate watfola nelikamelo labatawutadishela kulo.
- Kufuna umuntfu latawummela esikolweni.
Mphikeleli wacela Matsiya kutsi ayommela esikolweni ngesikhatsi Sikhulu Tsabetse amcoshisa esikolweni ngetizatfu letingevakali.
- Kuphumelela ngemalengiso.
Kwamenta wachubeka nekufundza waya enyuvesi iVaal, nalapho waba neligalelo lalifakako emfundvweni, wate wakhethwa kutsi abe ngumholi webafundzi/**Wafundza wagogodza wate waba lutfo emmangweni.**
- Kusungulwa kweluhlelo lwe-'**OPERATION FUNDZA.**'
Mphikeleli wakhutsata kutsi kuhanjelwe imiti yonkhe, kutfolakale kahle kutsi ngabe bonkhe bantfwana bayafundza yini. Watsi akafuni kube khona bantfwana labangafundzi, wabese usungula '**OPERATION HAMBA UYEWUFUNDZA.**'

(Naletinye tigameko letingakabalwa lapha lebetentiwa ngulabalingisi lababalwe ngenhla, letigcamisa imfundvo, temukelekile.)

Siphetfo

Bahlolwa basonga konkhe loku labebacoca ngako lapha ngenhla, ngekuphawula kutsi tonkhe letigameko lebetentiwa ngulabalingisi, tiveta incikitsi leyimfundvo ebaleni.

CAPHELA: Bahlolwa kumele bacaphune tigameko letisenzabeni letesekela imibono yabo.

BONA EMARUBHRIKI EKUMAKWA KWENDZABAMBHALO, SICHIBIYELO B na C [25]

UMBUTO 9: IMIBUTO LEMIFISHA**KUBAMBA LETINGELAKO – DE Nkosi**

- 9.1 Ludvweshu lwangaphandle. Kuphikisana kwaShongwe naMagumeni kubonwa ngito tonkhe tetsamelilwati. (2)
- 9.2 Magumeni uvetwe njengemlingisi losicaba ngobe abengagucuki kulemibono yakhe yekungahambisani nenchubo yaMphikeleli, kwala nobe sebambonisa yena wachubeka nekuhamba afaka bantfu umoya wekutsi bangahambisani naMphikeleli. (2)
(Naleminye imibono lenembako yemukelekile.)
- 9.3 Lohlebako/Lonemona/Longaketsembeki, njll. (2)
(Naleminye imibono lenembako yemukelekile.)
- 9.4 Abehlose kutsi bantfu bangatikhobosi njengebelaphi bendzabuko/Abehlose kutsi bakwati kushiyelana ngelwati letekwelapha/Abehlose kutsi batane kute batewusebenta ngekubambisana, njll. (2)
(Naleminye imibono lenembako yemukelekile.)
- 9.5 Kutimisela kwaMphikeleli ngemfundo nekutikhandla ekusebenteleni ummango kwamletsela umvuzo wekutsi avunwe lokhetfo ngekutsi bantfu bahambisane naye/**Kutikhandla ngemfundvo kwamenta wagcinga angulofundzile aneticu/ Kugcugcutela ummango kutsi ufundze kwente nalabadzala kutsi babuyele esolweni bayewufundza, njll.** (2)
(Naleminye imibono lenembako yemukelekile.)
- 9.6 Mphikeleli uhambisana kahle nemtsetfosisekelo welive laseNingizimu Afrika ngobe utsi bonkhe bantfu banelilungelo lekutfole tinsita letifaka ekhatsi emanti, gezi, kwakhela bantfu tindlu naletinye tinsita, ngaloko-ke Mphikeleli abenta lokushiwo ngumtsetfosisekelo. (2)
(Naleminye imibono lenembako yemukelekile.)
- 9.7 Kuhlanguana netimbila tiffutsa kusho kungaphumeleli kuloko lokuhlosile njengaMagumeni. Lisu lakhe lekuhunga Shongwe kutsi amesekele ekucitseni Mphikeleli alizange liphumelele ngobe Shongwe wantjela kutsi tento taMphikeleli tiyakhomba kutsi ungumholi weliciniso hhayi loku lakushoko Magumeni. (2)
(Naleminye imibono lenembako yemukelekile.)
- 9.8 Usume utati tidzingo talowommango lokhulele kuwo/Awubi nankinga yekuletsa tinsita letidzingwa ngummango/Kulula kusebenta ngekubambisana nebantfu lobatiko njengobe ungumsinsi wekutimilela, njll. (2)
(Naleminye imibono lenembako yemukelekile.)
- 9.9 Betimfundzisa kutsi kumele ancome lapho kufanele khona/Betimfundzisa kutsi akwemukele lokuhle lokwentiwa ngulabanye bantfu/Betimfundzisa kutsi kubi kwehlulela/Kumcedza intondvo yaMphikeleli, njll. (2)
(Naleminye imibono lenembako yemukelekile.)

- 9.10 Ummango ubalulekile ngobe ngiwo loshoko kutsi ngutiphi tidzingo lonato bese hulumende uyatiphakela/Ummango ngiwo loba setikhundleni letibona kutsi kuhamba kahle konkhe/Ummango kuphindze kube ngiwo lowesekela hulumende ngekufaka sandla lapho kudzingeke khona, njll.
(Naleminye imibono lenembako yemukelekile.) (2)
- 9.11 Tetsamelilwati tecwayiswa kutsi tingahambi tihleba nangabe tifuna tikhundla njengobe Magumeni abenta/Tecwayiswa kutsi bantfu abayi nganhlanye bangesiwo emanti ngobe akusibo bonkhe bantfu labebangakholwa labatjela kona ngaMphikeleli/Tecwayiswa ngekutsi tingabangi tikhundla ngobe tingatifaka engotini yekuhlaselwa nobe tibulawe, njll.
(Naleminye imibono lenembako yemukelekile.) (2)
- 9.12 Imibono itawehluka ifake ekhatsi loku lokulandzelako:
Labavumelana nenkhulumo yaShongwe batawesekela ngekutsi: Inkhulumo yaShongwe iliciniso, inchubomgomo lesetjentiswa emimangweni yalomuhla yahulumende nemmango wonkhe ngobe nguye lonemali yekwesekela tidzingonchanti lekufanele tentelwe imimango hhayi umuntfu munye njengobe kusho Magumeni, njll.
(Naleminye imibono lenembako yemukelekile.)
Labangavumelani nenkhulumo yaShongwe, batawesekela labakushoko. (3)

[25]

UMBUTO 10: UMBUTO LOYINDZABAMBHALO**TIBOPHO TELUTSANDVO – JJ Thwala**

Sakhiwo sendzabambhalo kumele sivete **singeniso, umtimba nesiphetho.**

Tigameko letiveta ingcikitsi yalenoveli ebaleni.

Singeniso

Bahlolwa bachaza sihloko babuye bavete ingcikitsi lelutsandvo kulenoveli.

Umtimba

Bahlolwa baveta kabanti tigameko lebetentiwa balingisi letikhombisa lutsandvo, lokuyingcikitsi yalenoveli.

➤ **Mlungisi usoma Lomusa.**

Mlungisi watsi acala kuhlanguana naLomusa wamsoma, wangafuni nekwati kutsi utalwaphi nekutsi ugcoke inzilo nje, ushonelwe ngubani kodwa batsandzana.

➤ **Kukhetsa Lomusa kunaSitsembile.**

Kwatsi nanobe sashelwe timphahla ngaphandle kwekutsi tiffungelwe ngemlilo ngemuva kweliphupho leyise acosha intfombatane legcoke lokumnyama, akazange ayekele kumtsandza Lomusa.

➤ **Sitsembile ubeketelela Mlungisi.**

Sitsembile wakhombisa lutsandvo kuMlungisi ngalesikhatsi Mlungisi akhetsa kuhamba naLomusa embi kwakhe, loko akukamenti walahla Mlungisi kepha wambeketelela atitjela kutsi utawubuya kuye Mlungisi.

➤ **Mlungisi ucabana naMacaleni.**

Mlungisi wakhombisa kutsandza Lomusa wate walwa naMacaleni kubangwa Lomusa wate wacabanga lisu lekubulala Macaleni kute atewusala naLomusa angabangiswa ngumuntfu ngobe amtsandza.

➤ **Mlungisi ulobola Lomusa.**

Wakhombisa lutsandvo wacolela kutfuma bangani bakhe boMadvodza kuyewumlobolela Lomusa ngobe malume wakhe angamange avume kuyewumlobolela ngetizatfu tekutsi akatiwa lapho adzabuka khona Lomusa/**Wakhombisa lutsandvo ngekulungiselela umshado wabo naLomusa, nanobe bagcina bangakashadi.**

(Naletinye tigameko letingakabalwa lapha letigcamisa lutsandvo lebetentiwa ngulabalingisi, lababalwe ngenhla, temukelekile.)

SIPHETFO:

Bahlolwa basonga konkhe loko labebacoca ngako lapha ngenhla, ngekuphawula kutsi tintfo lebetentiwa ngulabalingisi tiveta ingcikitsi lelutsandvo ebaleni.

CAPHELA: Bahlolwa kumele bacaphune tigameko letisencwadzini letesekela imibono yabo.

BONA EMARUBHRIKI EKUMAKWA KWENDZABAMBHALO, SICHIBIYELO B na C [25]

UMBUTO 11: IMIBUTO LEMIFISHA**TIBOPHO TELUTSANDVO – JJ Thwala**

- 11.1 Lomusa kufanele ehlukane nekukhuluma emanga/kutsengisa insangu/kunatsa tjwala/**Kutijova ngetidzakamiva/ Kubamba inkunzi/ kutfumba bantfu**, njll. (2)
- 11.2 Kwephuta kuteka umfati/Liphupho leyise/Kuteka Lomusa kunaSitsembile/**Kuteka umfelokati/ Kungatsatsi tecwayiso letivela emaphusheni eyise**, njll. (2)
- 11.3 Umvete njengemuntfu lonenhlitiyo lenhle nalonesineke, njengobe wamemukela wabuye wamsita kutsi atfole ligama laLomusa etincwadzini tasesibhedlela/**Wamyisa egunjini lapho bekulele khona Lomusa**. (2)
- 11.4 Sikolo – bese kusikhatsi sanyalo ngobe besekunetikolo lokuyintfo yalomuhla/ Sibhedlela – bese kusikhatsi sanyalo ngobe besekunetibhedlela lokuyintfo yalomuhla/Emabhuku lekubhalwa kuwo labagulako etibhedlela - besekusikhatsi sanyalo ngobe besekunemabhuku, bantfu sebakwati kubhala, lokuyintfo yalomuhla, njll. (2)
- 11.5 Kumetfwala amyise esibhedlela ngalesikhatsi agula/Kumpheleketela kaboMlungisi ngalesikhatsi ayewulandza Mlungisi/Kumtswalela imitfwalo ayiyise lapho abeya khona/**Kuvuma kutsi kusetjentiswe imoto yakhe nakuyewutfunjwa Sitsembile**, njll.
(Naleminye imibono lenembako yemukelekile.) (2)
- 11.6 Abefuna kuyewuchuba imikhuba yakhe lemibi endzaweni lapho angatiwa ngumuntfu khona/Abesaba kutsi uzilile/Abefuna kuyewutidlela emalobolo akhe nakungenteka atekwe futsi/**Abefuna kuyewucala imphilo lensha/Abebalekela kungenwa nguMacaleni**, njll.
(Naleminye imibono lenembako yemukelekile.) (2)
- 11.7 Mlungisi abengakafaneli kuphendvula unina ngalendlela, loko bekukhombisa indzelelo ngobe abati kutsi akasuye umhlengikati.
(Naleminye imibono lenembako yemukelekile.) (2)
- 11.8 Abecabanga kutsi bangani bentisana lokubi njengobe abefuna Lomusa ehlukane naNkhangala atewuyekela lemikhuba yabo lemibi njengalapho bajovana khona ngetidzakamiva/kunatsa tjwala/kuhamba ebusuku, njll.
(Naleminye imibono lenembako yemukelekile.) (2)
- 11.9 Imibono itaweuhluka ifake ekhatsi loku lokulandzelako:
Emphilweni, umuntfu wekucala kwati kutsi uyagula ngumlingani wakho. Lomusa abefanele atise Mlungisi kucala ngekugula kwakhe, angakuva ngebantfu.
(Naleminye imibono lenembako yemukelekile.) (2)
- 11.10 Aphumelela ngekutsi Mlungisi naLomusa abamange bashade, Lomusa waboshwa ngalelilanga lebekumele bashade ngalo/**Ngelusuku lwemshado, onkhe emahlazo aLomusa aphumela ebaleni, umshado wangasachubeki**.
(Naleminye imibono lenembako yemukelekile.) (2)

11.11 Lesaga sisho kutsi umuntfu uyatikhetsela lakutsandzako, njengaMlungisi lowakhetsa kuteka Lomusa nanobe batali nebangani bakhe bebangamfuni, bafuna Sitsembile/**Mlungisi wakhetsa kuteka Lomusa nanobe asabone konkhe kukhohlakala lebekwentiwa ngu Lomusa.**

(Naleminye imibono lenembako yemukelekile.)

(2)

11.12 Imibono itawehluka ifake ekhatsi loku lokulandzelako:

- Kuteka umfati lamfanele latawemukelwa ekhaya kubo.
- Kuba nebantfwana nemfati latamteka avuse likhaya lakubo.
- Kutsandzana naSitsembile kanye naLomusa sikhatsi sinye lokwamenta adideke ngelutsandvo lwabo.
- Kukhulelwa kwaSitsembile lokwamenta angati kutsi utawuteka bani kuLomusa naSitsembile.

(3)

SAMBA SESIGABA B

[25]

UMBUTO 12: UMBUTO LOYINDZABAMBHALO**SILULU SEMASWATI – NC Mthethwa**

Sakhiwo sendzabambhalo kumele sivete *singeniso, umtimba nesiphetho*.

Tigameko letiveta ingcikitsi yemibhalo yetemdzabu ebaleni. Kubhekiswa enganekwaneni letsi, Indlulamitsi Nengwenya, nasetibongweni 'taMadiba.'

Singeniso

Bahlolwa bachaza sihloko babuye bavete nekutsi ingcikitsi yemibhalo yetemdzabu yeyeme etigamekweni letenteka kuleyo naleyo nganekwane nakuleto naleto tibongo.

Umtimba

Tigameko letiveta ingcikitsi ebaleni.

Indlulamitsi Nengwenya

Ingcikitsi yalengwanekwane bucili. Lobucili bubonakala ngaletigameko letilandzelako:

➤ **Kwakha bungani**

Ingwenya yenta bungani nendlulamitsi, lebeyiyintfo lebeyingakase yenteke ngobe ingwenya isilwane lesesabekako futsi lesidla letinye tilwane. Ingwenya beyingafuni kutsi indlulamitsi ibone kutsi ifuna kuyidla. Lesigameko sekwakha bungani nendlulamitsi siveta bucili bengwenya, lokuyingcikitsi yalenganekwane ebaleni.

➤ **Ingwenya ivakashela indlulamitsi.**

Ingwenya beyisebentisa bucili kutsi indlulamitsi ingaboni kutsi ifuna kuyidla. Lesigameko siveta bucili bengwenya, lokuyingcikitsi yalenganekwane ebaleni.

➤ **Ingwenya icamba emanga**

Emanga lacanjwa yingwenya kutsi igulelwa ngumkayo bekubucili bekufuna kudla indlulamitsi. Lesigameko siveta bucili bengwenya, lokuyingcikitsi yalenganekwane ebaleni.

➤ **Indlulamitsi ivakashela Ingwenya**

Kuvakashela kwendlulamitsi ekhaya lengwenya kuyewuvusela umkayo bekubucili bekufuna kudla indlulamitsi. Lesigameko siveta bucili bengwenya lokuyingcikitsi yalenganekwane ebaleni.

MADIBA.

Ingcikitsi yaletibongo kubuyisa inkhululeko esiveni lesimnyama. Lokubuyisa inkhululeko esiveni lesimnyama kubonakala ngaletigameko letilandzelako:

➤ **Kudzela bukhosi eveni lakubo:**

Madiba wadzela bukhosi bebaTembu watsi ungum-Afrika, walwela inkhululeko waze waboshwa iminyaka le-27. Lokukhetsa kuyewuhlala ejele kute bantfu bakhululeke, kuveta ingcikitsi yaletibongo ebaleni.

➤ **Kuya ekudzingisweni:**

Madiba wahlala emahlatsini, waya ekudzingisweni ngobe angesilo ligwala kodvwa alwela inkhululeko. Lokuba sekudzingisweni kuveta ingcikitsi yaletibongo ebaleni.

➤ **Kuvimbela kucitseka kwengati ngekuocisana:**

Madiba wakhetsa kutsi kucociswanwe ngetekuphatsa live le-Afrika lesentasi ngaphandle kwekulwa nebembuso welubandlululo. Lokuocisana kuveta kuletfwa kwenkhululeko esiveni lesimnyama, lokuyingcikitsi yaletibongo.

➤ **Kunikwa emandla ekubusa**

Madiba waba ngumengameli wekucala eNingizimu Afrika. Lokuba ngumengameli kukhomba kukhululeka kwesive lesimnyama elubandlululweni, lokuyingcikitsi yaletibongo.

(Naletinye tintfo letenembako letenta ingcikitsi ibe sebaleni, letingakabalwa lapha ngenhla, temukelekile.)

SIPHETFO:

Bahlolwa basonga konkhe loku labebacoca ngako lapha ngenhla, ngekuphawula ngetigameko letiveta ingcikitsi yalenganekwane naletibongo ebaleni.

CAPHELA: Bahlolwa kumele bacaphune tigameko letisencwadzini letesekela imibono yabo.

BONA EMARUBHRIKI EKUMAKWA KWENDZABAMBHALO, SIGABA B ne–C

[25]

UMBUTO 13: IMIBUTO LEMIFISHA

SILULU SEMASWATI – NC Mthethwa

KUFIKA KWEKUFA

- 13.1 Mlentengamunye waphosa liso lakhe lelikhulu emhlabeni, wakhangwa bantfu bakhe bafa baphela, bacedvwa kufa. Lenganekwane iphatselene nenkholo yamvelinchanti, lokuyenta ibe yinganeko. (2)
- 13.2 Sigameko sekutsi lunwabu luhambe kancane/sigameko sekutjelwa kwebantfu kutsi bafe bangasavuki/Sisusa sesisho lesitsi, 'Sibambe lentfulo.' Naleminye imibono lenembako yemukelekile. (2)
- 13.3 Ngulena letsi, intfulo itjele bantfu kutsi ngeke bafe bawuphila ingunaphakadze. Bekufanele kutsi intfulo itjele bantfu kutsi bawufa bangasavuki. (2)
- 13.4 Kwentiwa kutsi bajabula nabatjelwa kutsi bawufa bangasavuki kantsi bantfu balomuhla abakujabuleli kushona kwebantfu bangaphindzi babonwe/bebakhuluma netilwane. (Naleminye imibono lenembako yemukelekile.) (2)
- 13.5 Imibono itawehluka ifake ekhatsi loku lokulandzelako: Labatsi bakhona, bawesekela ngekutsi: Tinwabu tenta tintfo ngekunanabuka, nasemimangweni yalomuhla bakhona bantfu labenta tintfo ngekunanabuka/Tinwabu tiyawuntjintja umbala wato, nasemimangweni yalomuhla bakhona bantfu labantjintjantjintjako namuhla babe nguloku, kusasa babe ngulokwa/Lunwabu lwakhombisa kungatfumeke, nasemimangweni yalomuhla bakhona bantfu labangatfumeke, njll. (Naleminye imibono lenembako yemukelekile.) (2)

- 13.6 Imibono itawehluka ifake ekhatsi loku lokulandzelako:
Umhlaba bewutawugcwala bantfu beswele nendzawo yekuma/Bekungeke kube netindzawo tekulima/tinsita betingeke tibenele bonkhe bantfu, njll.
(Naleminywe imibono lenembako yemukelekile.) (2)
- 13.7 Lunwabu lwephula umtsetfo ngekuphambuka lungayi lapho lutfunye khona, lokubangele kutsi intfulo ifike kucala nembiko. Tetsamelilwati tikholelwa kutsi kufa kwefika nelunwabu, lokwenta kutsi linyenti lato tilenyanye lunwabu letinye tize tilubulale natilubona.
(Naleminywe imibono lenembako yemukelekile.) (3)
- TIBONGO TANGWANE III**
- 13.8 Ematfuntin' etintsaba. (1)
- 13.9 Linatfwa ngemadvodza. (1)
- 13.10 Yindzawo lendlalekile lengenamagcuma netintsaba. (1)
- 13.11 Sicedzelelamcondvo. (1)
- 13.12 Kwentiwa kutsi abephetse ngesandla lesicinile, angafuni kutsi amane etayelwe nje, kepha atiwe kutsi uyinkhosi. (2)
- 13.13 Lomugca usho kutsi, 'likhaya lelingenamntfwana wemfana,' lokusho kutsi Ngwane III abenguye yedvwa umfana kabo, kute lomunye.
(Naleminywe imibono lenembako yemukelekile.) (2)
- 13.14 Lesisho sihambisana ngekutsi sishiwo kumuntfu lonelulaka njengaye Ngwane III labenelulaka, abusa ngesandla lesicinile futsi angafuni kutsi bantfu bametayele lula kodvwa afuna kuhlonishwa akhotsanyelwe ngobe ayinkhosi.
(Naleminywe imibono lenembako yemukelekile.) (2)
- [25]**

SAMBA SESIGABA B: 25

SIGABA C: UMDLALO**UMBUTO 14: UMBUTO LOYINDZABAMBHALO****KUTAWUBA NJALO - SZ Simelane**

Sakhiwo sendzabambhalo kumele sivete **singeniso, umtimba nesiphetho.**

Tifundvo letifundvwe kulabadlali labalandzelako: Ncobile, Mphotfo naHleta.

SINGENISO SENDZABAMBHALO.

Bahlolwa bachaza sihloko babuye basho kutsi Ncobile, Mphotfo naHleta banetifundvo labatifundzisa tetsamelilwati ngemphilo labebayiphila.

UMTIMBA

Bahlolwa baveta kabanti tigateko lebetentiwa badlali letitifundvo letifundvwa tetsamelilwati.

Tifundvo letifundvwa ngemphilo yaNcobile.

- **Kubeketela nelutsandvo:**
 - Ncobile wabeketelela unina angafuni kutsi abe nemfana latsandzana naye.
 - Wabeketelela Hleta etintfweni labefuna Ncobile atente ngenkhani.
 - Wabeketela emva kwekuyekela sikolo, wabuye babuyela.
 - Wabeketelela Mphotfo wabuyela kuye emva kwesikhatsi behlukene lebekukhombisa lutsandvo.

Tifundvo letifundvwa tetsamelilwati ngemphilo yaMphotfo.

- **Kubeketela nekucolela.**
 - Kubeketelela batali baNcobile ngalesikhatsi bametfuka.
 - Kubeketelela Celani namvimba amlwisa ngaNcobile.
 - Kubeketelela simo langiso, angayekeli sikolo nobe kumatima eswela.
 - Kubeketelela nekukhomba LaHleta lutsandvo ngalesikhatsi asesibhedlela.
 - Kubeketelela Ncobile abuye amemukele bashade nanobe eva tintfo letimbi letashiwo nguHleta ngaNcobile.

Tifundvo letifundvwa tetsamelilwati ngemphilo yaHleta.

- **Ayikho impunga yelihlatsi/bugebengu abukhokheli.**
 - Kubulala kwakhe Gedlembane abecabanga kutsi akunawuvela.
 - **Kubulala kwakhe LaMkhwanati abecabanga kutsi akunawuvela.**
 - Kukhuluma emanga ngaNcobile kuMphotfo akumange kube yimphumelelo.
 - Kwephula umtsetfo lokwagcina kumholela ejele.

(Naletinye tigateko letingakabalwa lapha letitifundvo emphilweni letikhonjiswe ngulabadlali, temukelekile.)

SIPHETFO:

Bahlolwa basonga konkhe labebacoca ngako lapha ngenhla, basho kutsi ngabe kukhona yini lokufundvwa tetsamelilwati kuletigameko talabادلالي.

CAPHELA: Bahlolwa kumele bacaphune tigameko letisemdlalweni letesekela imibono yabo.

BONA EMARUBHRIKI EKUMAKWA KWENDZABAMBHALO, SICHIBIYELO B na C [25]

UMBUTO 15: IMIBUTO LEMIFISHA**KUTAWUBA NJALO - SZ Simelane**

- 15.1 Etikhatsini talomuhla umuntfu lohlome ngemfundvo usenhlanhleni ngobe uyakwati kufundza nekubhala lokungito tikhali talomuhla/uyakwati kutfolala umsebenti lawufundzele/akayesweli imali ngobe usuke asebenta, njll. (Naleminye imibono lenembako yemukelekile.) (2)
- 15.2 Imibono itawe hluka ifake ekhatsi loku lokulandzelako: Ingcikitsi yalomdlalo yimfundvo, njengobe Ncobile nebangani bakhe bafundza sikolo bacedza, bayewusebenta kahle/Labanye batawutsi ingcikitsi lutsandvo njengobe Ncobile wacale watsandzana naGedlembane bate behlukaniswa kufa, wabuye watsandzana naMphotfo lagcina ashade naye ekugcineni. (Naleminye imibono lenembako yemukelekile.) (2)
- 15.3 Bungani lobucotfo bekungalahlani bate babebadzala/Lutsandvo lweliciniso/Kukhutsatana ngemphilo. (2)
- 15.4 Intfutuko yekutsi labasikati nabo bavunyelwe kutsi bafundzele imisebenti lehlukahlukene/Kutsi bahole imiholo lelingana neyalabadvuna/Bafakwe etikhundleni letisetulu tekuphatsa. (Naleminye imibono lenembako yemukelekile.) (2)
- 15.5 Bantfu batsandzana babuye behlukane. Kutsi ekuhambeni kwesikhatsi babuye batsandzane bashade/ **Batfolala bantfwana bangakashadi.** (Naleminye imibono lenembako yemukelekile.) (2)
- 15.6 Sifundvo sekubonga batali ngekutikhulisa babuye batifundzise/Sifundvo sekuba neligalelo emmangweni ngaloko letikutfolile/Sifundvo sekuba nelutsandvo nebantfu lokhule nabo/**Sifundvo sekukhutsata kucolelanakakhulukati ngaMphotfo naNcobile.** (Naleminye imibono lenembako yemukelekile.) (2)
- 15.7 Tiyisombulula ngekumbita ngesibongo salapho kutalwa khona unina waloyo mntfwana/Tiyisombulula ngekuhamba nabo nasebaya ekwendzeni/Unikwa sibongo salapho unina endzela khona, njll. (Naleminye imibono lenembako yemukelekile.) (2)
- 15.8 Ncobile wahlangabetana netihibe njengekukhulelwa, waticelela kubuyela esikolweni kunina, wafundza wate waba lijaji. (Naleminye imibono lenembako yemukelekile.) (2)

- 15.9 Abengakafaneli, ngobe abesati lesisu saNcobile kutsi sakhe/ **Abengakafaneli ngobe abesabonile kutsi Ncobile ungumntfu lonemusa, lomkhatsalelako lomunye umntfu futsi lotiphetse kahle.**
(Naleminye imibono lenembako yemukelekile.) (2)
- 15.10 Kutsintsana ngekutsi Ncobile abelijaji kantsi Hleta abente bugebengu. Tigebengu tigwetjwa ngemajaji, lokungenteka kutsi naNcobile agwebe Hleta.
(Naleminye imibono lenembako yemukelekile.) (2)
- 15.11 Akambiti kahle, ngobe Mphotfo akasilo lihuzu. Ncobile abentiwa yintfukutselo ngobe Mphotfo watsatsa loku lakutjelwa boHleta kutsi sisu sibikiwe kaMavimbela. (2)
- 15.12 Imibono itawehluka ifake ekhatsi loku lokulandzelako:
• Abebona kutsi naNcobile sewufundzile njengaye.
• Wadliwa ngunembeza wekutsi umntfwana waNcobile lamphika, wakhe.
• Kubuyisana kwakhe naLaHleta kwamenta watibona asamukelekile kutsi angashada naNcobile.
• Watisola ngesento sakhe sekulahla Ncobile. (3)

[25]

UMBUTO 16: UMBUTO LOYINDZABAMBHALO**LAMI LISIPHETFO – JJ Thwala**

Sakhiwo sendzabambhalo kumele sivete **singeniso, umtimba nesiphetfo**.

Tifundvo letifundvwa kulabadlali labalandzelako: Somhlolo, Mahubhulu, Nsibandze.

SINGENISO SENDZABAMBHALO.

Bahlolwa bachaza sihloko babuye basho kutsi Somhlolo, Mahubhulu naNsibandze banetifundvo labatifundzisa tetsamelilwati ngemphilo labebayiphila.

UMTIMBA

Bahlolwa baveta kabanti tigateko lebetentiwa badlali letitifundvo letifundvwa tetsamelilwati.

Tifundvo letifundvwa tetsamelilwati ngemphilo yaSomhlolo.

- **Kuphatsa ngekuthula nelutsandvo kwaSomhlolo**
 - Abebita tindvuna takhe abonisane nato nangabe kunentfo langayivisisi.
 - Abeteka bafati betive lakhelene nato kute avimbele kucitseka kwengati.
 - Abetsatsa imiyalo yenina kuto tonkhe tintfo labetenta.
 - Nafuna kwakha buhlobo netive lakhelene nato, abengatiyeli, abetfumela tindvuna takhe, lebekukhombisa kutsi abetetsembe.

Tifundvo letifundvwa tetsamelilwati ngemphilo yaMahubhulu.

- **Ayikho impunga yelihlatsi/Emaphikankhani afela enkhanini.**
 - Mahubhulu abephikisana nemiyalo yaSomhlolo, ente lokufunwa nguye, njengekuvivisa libutfo lemahubhulu kube inkhosi beyitsite akungahlaselwa.
 - Kucamba emanga natfunywe nguSomhlolo kaMabhoko kuyewucela buhlobo lobuhle yena wefika watsi ute kutewucwayisa Mabhoko kutsi Somhlolo ufuna kubahlasela.
 - Waphikisana naSomhlolo atsi lakhe liyawuba siphetfo kodvwa ekugcineni kwagcina laSomhlolo yena asatibulele.
 - Kwala kulalela boSigogodvolo nabamekhuta ngekusola Somhlolo, lokwagcina kumholela ekufeni.

Tifundvo letifundvwa tetsamelilwati ngemphilo yaNsibandze.

- **Kwetsembeka/Kukhombisa kuhlakanipha.**
 - Wetsembeka kuSomhlolo ngekumtjela kutsi Mahubhulu amange abike latfunywe kona kaMabhoko kepha wabika lokuphambene naloko.
 - Mahubhulu abephikisana nemiyalo yaSomhlolo, ente lokufunwa nguye, njengekuvivisa libutfo lemahubhulu kube inkhosi beyitsite akuhlahaselwa.

- Wakhombisa kuhlakanipha ngekwecwayisa Somhlolo kutsi acale ngekubamba umhlangano naMahubhulu ngembikwekutsi amhlanganise nelibutfo bese uyamgweba.
- Kuba nesibindzi angesabi nangabe kuyewugwetjwa emacala enkhosini, efike afake luvo lwakhe ate asite nangetigwebo letingatsatfwa.

(Naletinye tigameko letingakabalwa lapha letitifundvo emphilweni letikhonjiswe ngulabadlali, temukelekile.)

SIPHETFO:

Bahlolwa basonga konkhe labebacoca ngako lapha ngenhla, basho kutsi ngabe kukhona yini lokufundvwa tetsamelilwati kuletigameko talabadlali.

CAPHELA: Bahlolwa kumele bacaphune tigameko letisemdlalweni letesekela imibono yabo.

BONA EMARUBHRIKI EKUMAKWA KWENDZABAMBHALO, SIGABA B ne–C. [25]

UMBUTO 17: IMIBUTO LEMIFISHA

LAMI LISIPHETFO – JJ Thwala

- 17.1 Setfuleke kahle ngobe umdlali lomcoka uyavela/inkinga lekudzingidvwa yona iyavela/Sidze ngalokufanele/Siyaheha, njll.
(Naleminye imibono lenembako yemukelekile.) (2)
- 17.2 Lisu letibongo – lebetishiwo yimbongi yakhe/Lisu letento takhe - lekuhlala abita tindvuna netikhulu takhe, njll.
(Naleminye imibono lenembako yemukelekile.) (2)
- 17.3 Kukhankhasa kute atfole balandzeli/Abefuna kukhulisa libutfo lakhe/Abefuna kubona bantfu labavuna inkhosi, njll.
(Naleminye imibono lenembako yemukelekile.) (2)
- 17.4 Wenta liphutsa lekubita tindvuna ashiye Mahubhulu ngaphandle kute atiphendvulele ngobe abetawusho labekwenta nalabengakwenti kute kubalekelwe kutsi abehletjwa.
(Naleminye imibono lenembako yemukelekile.) (2)
- 17.5 Nsibandze abephetse sikhundla lesisetulu/Abesandla saSomhlolo/Nsibandze akamange entele Somhlolo lokubi, njll.
(Naleminye imibono lenembako yemukelekile.) (2)
- 17.6 Kubambisana nebantfu losebenta nabo njengobe Somhlolo abenta ngekutsatsa teluleko tenina netetindvuna takhe/Inhlonipho, njengobe tindvuna betingakutsandzi loku lebekwentiwa nguMahubhulu kwekungahloniphi inkhosi, njll.
(Naleminye imibono lenembako yemukelekile.) (2)
- 17.7 Injongo yakhe bekukufuna kuketula inkhosi kute yena atsatse sikhundla sayo. Abefuna kufaka tindvuna umoya lomubi.
(Naleminye imibono lenembako yemukelekile.) (2)

- 17.8 Letheksthi ibumbene nesiphetfo ngobe isendlalelolwati sesiphetfo lapho Mahubhulu akhombisa khona kucinga kwenhloko yakhe lokwate kwamfikisa ekufeni lokusiphetfo salomdlalo.
(Naleminye imibono lenembako yemukelekile.) (2)
- 17.9 Letindvuna betingabulawa kutsiwe titimphimphi/betingashiselwa emakhaya ato/Betingacabana nemmango ngekutfutsa tindzaba, njll.
(Naleminye imibono lenembako yemukelekile.) (2)
- 17.10 Imibono itawehluka ifake ekhatsi lena lelandzelako:
Tikweledi letinyenti umuntfu lowehluleka kutilawula/Yinhlalo yasemakhaya lengahambi ngentsandvo yakho/Yingcabano yakho nasemmangweni, njll.
(Naleminye imibono lenembako yemukelekile.) (2)
- 17.11 Imibono itawehluka ifake ekhatsi lena lelandzelako:
Labatsi abenta kahle batawesekela ngekutsi: abefanele kungatitsatsi ngobe betingamdukisa/Betingamcabanisa netindvuna takhe/Abetawehlukanisa ummango, njll.
(Imibono itawehluka ifake ekhatsi lena lelandzelako.) (2)
- 17.12 Imibono itawehluka ifake ekhatsi lena lelandzelako:
 - Kubonisana netindvuna ngembi kwekutsatsa tincumo, kube lamanye emakhosi awakwenti loko.
 - Kuteka bafati betive labona kutsi tingahle tibe yingoti timhlasele, kube lamanye emakhosi awateki bafati baletinye tive.
 - Kwetsemba tindvuna ate atitfumele tiyewumcelela buhlobo etiveni lekakhelene nato, kube lamanye emakhosi awatsembi tindvuna tawo.
 - Kutsatsa imiyalo yenina ngembikwekutsatsa tincumo, kube lamanye emakhosi awakwenti loko.
 - Kuyalela emabutfo kutsi angahlaseli letinye tive kepha ayewutingela tinyamatane adle, kube lamanye emakhosi afuna kuhlaselwe, njll. (3)**[25]**

SAMBA SESIGABA C: 25
SAMBA SAKO KONKHE: 80

SIGABA A: IRUBHRIKI YEKUHLOLA INDZATJANAMBHALO YENKONDLO [10 EMAMAKI]

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE	5-6	4	3	2	0-1
Kuchazwa kwesihloko Kujula kwemibono, Kwesekela nekuvisiswa kwetheksthi 6 EMAMAKI	-Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe enkondlweni -Luhlobo lwembhalo kanye nenkondlo kuvisiswa ngemalengiso	-Sihloko sichazwe ngelicophelo lelisetulu kukhomba kusivisisa -Emaphuzu ekwesekela ayevakala kodvwa akaketfulwa ngendlela lelindzelekile -Luhlobo lwembhalo kanye nenkondlo kuvisiswa ngelicophelo lelisetulu	-Sihloko sichazwe ngalokwenetisako -Akhona lamanye emaphuzu lamahle lesesekela sihloko ngalokwenetisako -Leminye imibono yesekelwe kodvwa esikhatsini lesinyenti bufakazi abukholweki -Luhlobo lwembhalo kanye nenkondlo kuvisiswa ngalokwenetisako	-Kuchazwa kwesihloko akwenetisi -Kulukhuni kutfolo emaphuzu lesekelo sihloko -Luhlobo lwembhalo kanye nenkondlo akukavisiswa kahle	-Sihloko asikavisiswa nakancane -Akukho kucaphuna enkondlweni -Luhlobo lwembhalo kanye nenkondlo akukavisiswa nakancane
SAKHIWO NELULWIMI	4	3	2	1	0-1
Sakhiwo, Kuhleleka nekwetfula Kusetjentiswa kwelulwimi, umoya, nesitayela 4 EMAMAKI	-Sakhiwo lesibumbene ngemalengiso -Imibono yakhiwe yahleleka ngalokucace ngemalengiso -Lulwimi, umoya nesitayela kuvutsiwe futsi akunamaphutsa -Emaphutsa eluhlelo, sipelingi netimphawu tekufundza kuyindlala	-Sakhiwo lesicacile lesinemibono lehleleke ngelicophelo lelisetulu -Imibono letfuliwe iyalandzeleka -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kubumbana nekuhleleka kwemibono kuyenetisa -Lulwimi lunemaphutsa langasho lutfo; umoya nesitayela kuyenetisa	-Sakhiwo sikhomba emaphutsa ekuhlela -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akukemukeleki	-Sakhiwo lesingemukeleki nakancane -Imibono ihlangahlangene -Lulwimi lolunemaphutsa lamanyenti nesitayela lesingemukeleki -Umoya nesitayela akwemukeleki nakancane




CAPHELA: Nangabe umhlolwa angakabhali ngalokufunwa ngumbuto, abe abhale lokunhlanhlatsako, akanganikwa emamaki ako kokubili, Lokucuketfwe, Sakhiwo neLulwimi.

SIGABA B NA-C: RUBHRIKI YEKUHLOLA INDZABAMBHALO – YENOVELI NEMDLALO [25 EMAMAKI]

Timpawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE	12–11	9–7	6–8	4–5	0–3
Kuchazwa kwesihloko Kujula kwemibono, Kwesekelwa nekuvisiswa kwetheksthi 11 EMAMAKI	-Imphendvulo leneminingwane lengemalengiso lababatekako: 14–11 Imphendvulo leneminingwane lengemalengiso langababateki: 12–9 -Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe etheksthi -Luhlobo lwembhalo kanye netheksthi kuvisiswe ngemalengiso	-Imphendvulo leneminingwane lesecophelweni lelisetulu -Sihloko sichazwe ngelicophelo lelisetulu kukhomba kusivisa -Lamanye emaphuzu ekwesekela ayevakala kodvwa akaketfulwa ngendlela lelindzelekile -Luhlobo lwembhalo kanye netheksthi kuvisiswa ngelicophelo lelisetulu	-Sihloko sichazwe ngalokwenetisako kodvwa akusito tonkhe tinhlangotsi leticikelelwe ngalokuphelele -Akhona lamanye emaphuzu lamahle lesesekela sihloko ngalokwenetisako -Lamanye emaphuzu esekelwe kodvwa esikhatsini lesinyenti bufakazi abukholweki -Kukhona lokusilele ekuvisiseni luhlobo lwembhalo kanye netheksthi	-Sihloko sichazwe ngekunyanyalata ngaphandle kweminingwane lesekelako -Ambalwa kakhulu emaphuzu lafanele ekwesekela sihloko -Kuncane kakhulu kuvisiswa kweluhlobo lwembhalo netheksthi	-Kuncane kakhulu kuvisiswa kwesihloko -Mncane kakhulu umzamo wekuphendvula umbuto -Imibono ayikholweki -Luhlobo lwembhalo kanye netheksthi akukavisiswa nakancane
SAKHIWO NELULWIMI	8–10	6–7	4–5	2–3	0–1
Sakhiwo, Kuhleleka nekwetfula Kusetjentiswa kwelulwimi, umoya, nesitayela 10 EMAMAKI	-Sakhiwo lesibumbene -Singeniso nesiphetho lesingemalengiso -Imibono yakhiwe yahleleka ngemalengiso -Lulwimi, umoya nesitayela kuvutsiwe futsi akunamaphutsa	-Sakhiwo lesicacile lesinemibono lehleleke ngelicophelo lelisetulu -Singeniso nesiphetho kanye naletinye tindzima kuhleleke ngalokubumbene -Imibono ihleleke ngelicophelo lelisetulu -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kuhleleka nekubumbana -Kuhleleka nekubumbana kwemubono kuyenetisa kodvwa kunemaphutsa -Lulwimi lunemaphutsa lambalwa; umoya nesitayela kuyenetisa Kuhleleka kwetindzima kuyenetisa	-Sakhiwo sikhomba emaphutsa ekuhleleka -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akwemukeleki Kuhleleka kwetindzima kunemaphutsa	-Kungahleleki kahle kwesakhiwo kukhinyabeta kubumbana kwemibono -Emaphutsa elulwimi nesitayela lesingakemukeleki kwenta lombhalo ungabi yimpumelelo -Umoya nesitayela akwemukeleki -Tindzima tihlangahlangene
KWEHLUKA KWEMAMAKI	20–25	11–15	10–14	5–9	0–4

- Kufanele kungabi nemehluko wemazinga lamabili emkhatsini welimaki leSakhiwo neLulwimi nelimaki laLokucuketfwe.
- Imphendvulo lengaphendvuli umbuto ayinganikwa emamaki aLokucuketfwe neweLulwimi neSakhiwo.

TIMPHAWU LETISETJENTISWA NAKUMAKWA LULWIMI**2019**

- | | |
|-------------------------------------------|---------------------------------------------------------------------------------------|
| 1. Sipelingi | sp |
| 2. Timphawu tekufundza | p |
| 3. Kuphindzaphindza | pp |
| 4. Lulwimi | lw |
| 5. Luhlelomusho | lm |
| 6. Kuhlanganisa |  |
| 7. Kwehlukana | / |
| 8. Lokushiyiwe | ^ |
| 9. Sikhatsi | skh |
| 10. Kuhlanganisa imicondvo yenzima |  |
| 11. Kwehlukana tindzima |  |